

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-4149/17 od 07.11.2017. godine), zaključuje se

UGOVOR O PRUŽANJU USLUGA

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: Ugovorni organ)

i

Media biro d.o.o. Sarajevo - ID broj: 4201578870008, sa sjedištem na adresi Hamdije Čemerlića br. 35, koga zastupa direktor Šebo Đenita (u daljem tekstu: Pružalac usluga)

Član 1. (Predmet Ugovora)

Predmet ovog Ugovora (u daljem tekstu: Ugovor) je pružanje usluge izrade promotivnog materijala za konferenciju „ICAT 2017“, od Pružaoca usluga za potrebe Ugovornog organa, a po osnovu direktnog sporazuma zaključenog između ugovornih strana.

Član 2. (Obaveze Pružaoca usluga)

Pružalac usluga se obavezuje da će pružiti usluge izrade promotivnog materijala, i to:

- pamučni ceker sa štampom loga, 73 komada,
- blok 50 listova 16,5 x 12,0 cm, 76 komada,
- hemijska olovka sa UV štampom loga, 73 komada,
- bedž 37 mm sa štampom loga, 146 komada,
- USB ID8 GB kartica sa UV štampom, 73 komada i
- roll up mehanizam sa štampom, 107 komada.

Član 3. (Obaveze Ugovornog organa)

Ugovorni organ se obavezuje da će:

- blagovremeno obavijestiti Pružaoca usluga o tačnom periodu za pružanja navedenih usluga i
- pismeno obavijestiti Pružaoca usluga o mogućim propustima i neispravnostima prilikom pružanja navedenih usluga.

Član 4. (Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5.
(Naknada i način plaćanja)

Ugovorni organ se obavezuje da će Pružaocu usluga isplatiti cijenu za usluge u ukupnom iznosu od 1.575,49 KM (hiljadpetstotinasedamdesetpet i 49/100 KM) bez PDV- a, u roku od 30 (trideset) dana od dana dostave fakture, ukoliko isporučena roba bude zadovoljavala kvalitetom.

Ugovoreni iznos naknade će se platiti na žiro račun Prodavca, kod odgovarajuće banke u Bosni i Hercegovini. Pripadajući porez će se obračunati i platiti u skladu sa zakonom.

Član 6.
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorene strane svojeručno ga potpisuju.

ZA PRUŽAOCA USLUGA

Direktor Šebo Đenita

ZA UGOVORNI ORGAN

Dekan, prof.dr Samim Konjicija

Broj: 02-4230/17
Datum: 14.11.2017